

春秋經傳比事

春秋經傳比事序

傳春秋者左氏尙矣自杜元凱始分經之年與傳相附讀者便之元明以來又有分年之事與傳相比者如郝經之春秋三傳折衷安熙之春秋左氏綱目曾震之春秋五傳始左氏次公羊穀梁胡氏而取止齊陳氏之說附於後鄭玉之春秋經傳闕疑陳氏之春秋類編李廷璣之左傳綱目定註據朱彝尊經義考惟鄭李二書尙存余惜未見也今坊刻有吳蘭陔鑒定之春秋左傳蓋以仁和張岐然春秋五傳爲藍本者然其經出入三傳例旣不純編次年月經傳錯互之處先後又多失倫非善本也余向讀左傳每苦其繁思稍節以爲讀本久而攷其始末而後知其不可刪也非惟不可刪其有經無傳者且惜其略也於是參之公穀以廣其義附以國語

史記以補其遺而又懼其雜而複也慎而取之其經則專
以左氏爲主而附註其異文析傳以附經亦離經以就傳
傳之日月或與經異則兩不相蒙移就者註其原次於下
有傳無經者以圈別之其每年逸事不知何月者附錄於
後孔子曰屬辭比事春秋教也余旣上紀古史下紀戰國
而於春秋尤不可無述也故成此編使三書相爲首尾云
道光二十有一年九月甲寅三山林春溥序

春秋經傳比事卷一

閩 林春溥 鑑塘

隱公

名息姑 惠公之子 母聲 子諡法不尸其位曰隱

惠公元妃孟子卒繼室以聲子生隱公宋武公生仲子仲子生而有文在其手曰爲魯夫人故仲子歸于我生桓公而惠公薨是以隱公立而奉之

元年

己未 周平王宜臼四十九年 齊僖公禘父九年 晉鄂侯郟二年 曲沃莊伯鮮十一年 衛桓公完十二年 蔡宣公考父二十八年 鄭莊公寤生二十二年 曹桓公終生三十五年 陳桓公鮑二十三年 杞武公二十九年 宋穆公和七年 秦文公十四年 楚武王熊通十九年

春王正月

元年春王周正月不書卽位攝也

三月公及邾儀父盟于蔑

凡邾公羊皆作邾 婁公穀前作昧 竹書作姑蔑 公羊曰及

我欲之穀梁曰
不日其盟淪也

三月公及邾儀父盟于蔑邾子克也

竹書作邾莊公

未王命故

不書爵曰儀父貴之也公攝位而欲求好於邾故爲蔑

之盟

○夏四月費伯帥師城郕不書非公命也

夏五月鄭伯克段于鄆

初鄭武公娶于申曰武姜生莊公及其叔段莊公寤生驚姜氏故名曰寤生遂惡之愛其叔段欲立之亟請於武公公弗許及莊公卽位爲之請制公曰制巖邑也虢叔死焉佗邑唯命請京使居之謂之京城大叔祭仲曰都城過百雉國之害也先王之制大都不過參國之一中五之一小九之一今京不度非制也君將不堪公曰

姜氏欲之焉辟害對曰姜氏何厭之有不如早爲之所
無使滋蔓蔓難圖也蔓草猶不可除況君之寵弟乎公
曰多行不義必自斃子姑待之旣而大叔命西鄙北鄙
貳於己公子呂曰國不堪貳君將若之何欲與大叔臣
請事之若弗與則請除之無生民心公曰無庸將自及
大叔又收貳以爲己邑至于廩延子封公子曰可矣厚
將得眾公曰不義不暱厚將崩大叔完聚繕甲兵具卒
乘將襲鄭夫人將啟之公聞其期曰可矣命子封帥車
二百乘以伐京京叛大叔段段入于鄆公伐諸鄆五月
辛丑大叔出奔共書曰鄭伯克段于鄆段不弟故不言
弟如二君故曰克稱鄭伯譏失教也謂之鄭志不言出
奔難之也

穀梁曰甚鄭伯之慮心積慮成于殺也于鄆
遠也猶曰取之其母之懷中而殺之云爾

遂寘姜氏于城穎而誓之曰不及黃泉無相見也既而
悔之穎考叔爲穎谷封人聞之有獻於公公賜之食食
舍肉公問之對曰小人有母皆嘗小人之食矣未嘗君
之羹請以遺之公曰爾有母遺繫我獨無穎考叔曰敢
問何謂也公語之故且告之悔對曰君何患焉若闕地
及泉隧而相見其誰曰不然公從之公入而賦大隧之
中其樂也融融姜出而賦大隧之外其樂也洩洩遂爲
母子如初君子曰穎考叔純孝也愛其母施及莊公詩
曰孝子不匱永錫爾類其是之謂乎

秋七月天王使宰咺來歸惠公仲子之賵

穀梁曰乘馬曰
賵衣衾曰襚貝

玉曰含錢

財曰賻

秋七月天王使宰咺來歸惠公仲子之賵緩且子氏未

薨故名天子七月而葬同軌畢至諸侯五月同盟至大夫三月同位至士踰月外姻至贈死不及尸弔生不及哀豫凶事非禮也

○八月紀人伐夷夷不告故不書有蜚不爲災亦不書

九月及宋人盟于宿

穀梁曰及者何內卑者也宋人外卑者也卑者之盟不日

惠公之季年敗宋師于黃公立而求成焉九月及宋人盟于宿始通也

○冬十月庚申改葬惠公公弗臨故不書惠公之薨也有

宋師太子少葬故有闕是以改葬衛侯來會葬不見公

亦不書○鄭其叔之亂公孫滑

叔段子

出奔衛衛人爲之

伐鄭取廩延鄭人以王師虢師伐衛南鄙請師於邾邾子使私於公子豫豫請往公弗許遂行及邾人鄭人盟

于翼不書非公命也○新作南門不書亦非公命也

冬十有二月祭伯來

穀梁曰襄內諸侯非有天子之命不得出會諸侯不正其外交故弗與朝

也聘弓繳矢不出竟場東脩之肉不行竟中有至尊者不貳之也

十二月祭伯來非王命也

公子益師卒

公羊曰何以不日遠也所見異辭所聞異辭所傳聞異辭穀梁曰大夫日卒正也不日卒

也惡

衆父卒公不與小斂故不書日

二年

庚申春公會戎于潛穀梁曰會者外爲主焉爾知者處義者行仁者守有此三者然後可

以出會會戎危公也

二年春公會戎于潛脩惠公之好也戎請盟公辭

夏五月莒人入向

公羊曰入者何得而不居也

莒子娶于向向姜不安莒而歸夏莒人入向以姜氏還

無駭帥師入極

公羊曰無駭者何展無駭也何以不氏駭疾始滅也此滅也其言人何內大惡諱也

司空無駭入極費序父

伯即費勝之

秋八月庚辰

杜註八月無庚辰庚辰七月九日也日月必有誤

公及我盟于唐

我請盟秋盟於唐復脩戎好也

九月紀裂繻

公穀並作履輪

來逆女

公羊曰女在其國稱女在塗稱婦入國稱夫人

九月紀裂繻來逆女卿爲君逆也

冬十月伯姬歸于紀

紀子帛

公穀並作伯

莒子盟于密

冬紀子帛莒子盟于密魯故也

杜註子帛裂繻字也莒魯有怨紀侯既昏于魯

使大夫盟莒以和解之故比之內大夫而在莒子上稱字以嘉之

十有二月乙卯夫人子氏薨

杜註隱讓桓以爲太子成其母喪以赴諸侯故稱夫人也

鄭人伐衛

鄭人伐衛討公孫滑之亂也

三年

辛酉

春王二月己巳日有食之

杜註此食是三月朔也不書朔史失之

三月庚戌天王崩

三年春王三月壬戌平王崩赴以庚戌故書之

史記曰太子洩

父蚤死立其子林是爲桓王桓王平王孫也

夏四月辛卯君氏卒

公穀並作尹氏○公羊曰尹氏者何天子之大夫也其稱尹氏何韋謙世

韋謙世外大夫不卒此何以卒天王崩諸侯之主也

夏君氏卒聲子也不赴于諸侯不反哭于寢不耐于姑

故不曰薨不稱夫人故不言葬不書姓爲公故曰君氏

○鄭武公莊公爲平王卿士王貳于虢鄭伯怨王王曰無

之故周鄭交質王子狐爲質於鄭鄭公子忽爲質於周

王崩周人將畀虢公政四月鄭祭足帥師取溫之麥秋

又取成周之禾周鄭交惡君子曰信不由中質無益也
明恕而行要之以禮雖無有質誰能開之苟有明信澗
谿沼沚之毛蘋蘩藎藻之菜筐筥錡釜之器潢汙行潦
之水可薦於鬼神可羞於王公而況君子結二國之信
行之以禮又焉用質風有采蘋采蘋雅有行葦泂酌昭
忠信也

秋武氏子來求賻

穀梁曰歸死者曰歸歸生者曰歸周雖不求魯不可以不歸魯雖不歸周不可

以求之求之爲言得不得未可知之辭也交譏之

武氏子來求賻王未葬也

八月庚辰宋公和卒

穀梁曰諸侯日卒正也

宋穆公疾召大司馬孔父而屬殤公焉曰先君舍與夷
而立寡人寡人弗敢忘若以大夫之靈得保首領以沒

先君若問與夷其將何辭以對請子奉之以主社稷寡人雖死亦無悔焉對曰羣臣願奉馮也公曰不可先君以寡人為賢使主社稷若棄德不讓是廢先君之舉也豈曰能賢光昭先君之令德可不務乎吾子其無廢先君之功使公子馮出居於鄭

公羊曰宣公謂繆公曰以吾愛與夷則不若愛女以爲社稷宗廟主則與夷不若女蓋終爲君矣宣公死繆公立繆公逐其二子莊公馮與左師勃曰爾爲吾子生毋相見死毋相哭與夷後曰先君之所爲不與臣國而納國乎君者以君可以爲社稷宗廟主也今君逐君之二子而將致國乎與夷此非先君之意也且使子而可逐則先君其逐臣矣繆公曰先君之不爾逐可知矣吾立乎此豈也終

八月庚辰宋穆公卒殤公卽位君子曰宋宣公可謂知人矣立穆公其子饗之命以義夫商頌曰殷受命咸宜百祿是荷其是之謂乎

冬十有二月齊侯鄭伯盟于石門

冬齊鄭盟于石門尋廬之盟也庚戌鄭伯之車僨于濟

癸未葬宋穆公

公羊曰當時而不日正也當時而日危不得葬也此當時何危爾君子大居正宋之

禍宣公

爲之也

○衛莊公娶于齊東宮得臣之妹曰莊姜美而無子衛人所爲賦碩人也又娶于陳曰厲嬀生孝伯早死其娣戴嬀生桓公莊姜以爲己子公子州吁嬀人之子也有寵而好兵公弗禁莊姜惡之石碻諫曰臣聞愛子教之以義方弗納於邪驕奢淫泆所自邪也四者之來寵祿過也將立州吁乃定之矣若猶未也階之爲禍夫寵而不驕驕而能降降而不憾憾而能眄者鮮矣且夫賤防貴少陵長遠閒親新聞舊小加大淫破義所謂六逆也君義臣行父慈子孝兄愛弟敬所謂六順也去順效逆所

以速禍也君人者將禍是務去而速之無乃不可乎弗聽其子厚與州吁游禁之不可桓公立乃老

四年

壬戌○周桓王林元年○宋殤公與夷元年

春王二月莒人伐杞取牟婁

公羊曰外取邑不書此何以書疾始取邑也

戊申衛州吁弑其君完

州穀梁作祝下同

四年春衛州吁弑桓公而立

夏公及宋公遇于清

公與宋公爲會將尋宿之盟未及期衛人來告亂夏公及宋公遇于清

宋公陳侯蔡人衛人伐鄭

宋殤公之卽位也公子馮出奔鄭鄭人欲納之及衛州吁立將脩先君之怨於鄭而求寵於諸侯以和其民使

告於宋曰君若伐鄭以除君害君爲主做邑以賦與陳

蔡從則衛國之願也宋人許之於是陳蔡方睦於衛故

宋公陳侯蔡人衛人伐鄭

詩小序曰州吁使公孫文仲與陳蔡伐鄭國人作擊鼓之

圍其東門五日而還公問於眾仲曰衛州吁其成乎

對曰臣聞以德和民不聞以亂以亂猶治絲而棼之也

夫州吁阻兵而安忍阻兵無眾安忍無親眾叛親離難

以濟矣夫兵猶火也弗戢將自焚也夫州吁弑其君而

虐用其民於是乎不務令德而欲以亂成必不免矣

秋翬帥師會宋公陳侯蔡人衛人伐鄭

秋諸侯復伐鄭宋公使來乞師公辭之羽父請以師會

之公弗許固請而行故書曰翬帥師疾之也

公羊曰何以不稱公

子貶與諸侯之師敗鄭徒兵取其禾而還

九月衛人殺州吁于濮

公羊曰其稱人何討賊之辭也殺梁曰其月謹之也于濮者議失賊

也

州吁未能和其民厚問定君於石子石子曰王覲爲可
曰何以得覲曰陳桓公方有寵於王陳衛方睦若朝陳
使請必可得也厚從州吁如陳石碏使告于陳曰衛國
褊小老夫耄矣無能爲也此二人者實弑寡君敢卽圖
之陳人執之而請泄于衛九月衛人使右宰醜泄殺州
吁于濮石碏使其宰孺羊肩泄殺石厚于陳君子曰石
碏純臣也惡州吁而厚與焉大義滅親其是之謂乎

冬十有二月衛人立晉

衛人逆公子晉于邢冬十二月宣公卽位書曰衛人立
晉衆也

五年

癸亥○衛宣公晉元年

春公矢魚于棠

矢公穀並作觀

五年春公將如棠觀魚者臧僖伯諫曰凡物不足以講大事其材不足以備器用則君不舉焉君將納民於軌物者也故講事以度軌量謂之軌取材以章物采謂之物不軌不物謂之亂政亂政亟行所以敗也故春蒐夏苗秋獮冬狩皆於農隙以講事也三年而治兵入而振旅歸而飲至以數軍實昭文章明貴賤辨等列順少長習威儀也鳥獸之肉不登於俎皮革齒牙骨角毛羽不登於器則公不射古之制也若夫山林川澤之實器用之資阜隸之事官司之守非君所及也公曰吾將略地焉遂往陳魚而觀之僖伯稱疾不從書曰公矢魚于棠非禮也且言遠地也

○曲沃莊伯以鄭人邢人伐翼王使尹氏武氏助之翼侯奔隨

夏四月葬衛桓公

夏葬衛桓公衛亂是以緩

○四月鄭人侵衛牧以報東門之役衛人以燕師伐鄭鄭祭足原繁洩駕以三軍軍其前使曼伯與子元潛軍軍其後燕人畏鄭三軍而不虞制人六月鄭二公子以制人敗燕師于北制君子曰不備不虞不可以師○曲沃叛王秋王命虢公伐曲沃而立哀侯于翼

秋衛師入郟

凡郟公羊並作盛○穀梁曰入者內弗受也將卑師衆曰師

衛之亂也郟人侵衛故衛師入郟

九月考仲子之宮

公羊曰隱爲桓立初獻六羽故爲桓祭其母也

九月考仲子之宮將萬焉公問羽數於眾仲對曰天子用八諸侯用六大夫四士二夫舞所以節八音而行八風故自八以下公從之於是初獻六羽始用六佾也

邾人鄭人伐宋

宋人取邾田邾人告於鄭曰請君釋憾於宋做邑爲道鄭人以王師會之伐宋入其郛以報東門之役宋人使來告命公聞其入郛也將救之問於使者曰師何及對曰未及國公怒乃止辭使者曰君命寡人同恤社稷之難今問諸使者曰師未及國非寡人之所敢知也

穀梁曰蟲災也甚則月不甚則時

冬十有二月辛巳公子驅卒

穀梁曰隱不爵命大夫其曰公子驅何也先君之大夫也

冬十二月辛巳臧僖伯卒公曰叔父有憾於寡人寡人

弗敢忘葬之加一等

宋人伐鄭圍長葛

穀梁曰伐國不言圍邑此其言圍久之也伐不踰時戰不逐奔誅不填服苞人

民毆牛馬曰侵斬樹木壞宮室曰伐

宋人伐鄭圍長葛以報入郟之役也

六年

甲子○晉哀侯光元年

春鄭人來渝平

渝公穀並作輪

六年春鄭人來渝平更成也

○繫九宗五正頃父之子嘉父逆晉侯于隨納諸鄂晉人

謂之鄂侯

夏五月辛酉公會齊侯盟于艾

夏盟于艾始平于齊也

○五月庚申鄭伯侵陳大獲往歲鄭伯請成于陳陳侯不

許五父諫曰親仁善鄰國之寶也君其許鄭陳侯曰宋

衛實難鄭何能爲遂不許君子曰善不可失惡不可長其陳桓公之謂乎長惡不悛從自及也雖欲救之其將能乎商書曰惡之易也如火之燎于原不可鄉邇其猶可撲滅周任有言曰爲國家者見惡如農夫之務去草焉芟夷蘊崇之絕其本根勿使能殖則善者信矣

秋七月

公羊曰春秋雖無事首時過則書四時具然後爲年

冬宋人取長葛

公羊曰外取邑不書此何以書久也

秋宋人取長葛

杜註秋取冬乃告也

○冬京師來告饑公爲之請糴於宋衛齊鄭禮也○鄭伯如周始朝桓王也王不禮焉周桓公言于王曰我周之東遷晉鄭焉依善鄭以勸來者猶懼不斂況不禮焉鄭不來矣

七年

乙丑

春王正月叔姬歸于紀

穀梁曰其不言逆何也逆之道廢無足道焉爾註云

逆者非卿

滕侯卒

七年春滕侯卒不書名未同盟也凡諸侯同盟於是稱名故薨則赴以名告終稱嗣也以繼好息民謂之禮經

夏城中丘

夏城中丘書不時也

齊侯使其弟年來聘

公羊曰母弟稱弟穀梁曰以其來接於我舉其貴者也

齊侯使夷仲年來聘結艾之盟也

秋公伐邾

秋宋及鄭平七月庚申盟于宿公伐邾爲宋討也

冬天王使凡伯來聘戎伐凡伯于楚丘以歸

穀梁曰國而曰伐此一人

而曰伐何也大
天子之命也

初戎朝于周發幣于公卿凡伯弗賓冬王使凡伯來聘
還戎伐之于楚丘以歸

○陳及鄭平十二月陳五父如鄭洺盟壬申及鄭伯盟欽
如忘洺伯曰五父必不免不賴盟矣鄭良佐如陳洺盟
辛巳及陳侯盟亦知陳之將亂也○鄭公子忽在王所
故陳侯請妻之鄭伯許之乃成昏

八年

丙寅○曲沃武公稱元年○秦寧公元年

春宋公衛侯遇于垂

八年春齊侯將平宋衛有會期宋公以幣請於衛請先
相見衛侯許之故遇于犬丘

三月鄭伯使宛來歸祊

祊公穀並作邠下同○穀梁曰名宛所以貶鄭伯惡與地也

鄭伯請釋泰山之祀而祀周公以泰山之祊易許田三

月鄭伯使宛來歸祊不祀泰山也

庚寅我入祊

穀梁曰入者內弗受也日入惡入者也祊者鄭伯所受命於天子而祭泰山之邑

○夏虢公忌父始作卿士于周○四月甲辰鄭公子忽如陳逆婦媯辛亥以媯氏歸甲寅入于鄭陳鍼子送女先配而後祖鍼子曰是不爲夫婦誣其祖矣非禮也何以能育

夏六月己亥蔡侯考父卒

辛亥宿男卒

穀梁曰宿微服也未能同盟故男卒也

秋七月庚午宋公齊侯衛侯盟于瓦屋

穀梁曰外盟不日此其日何也諸侯

之參盟於是始故諱而日之也諸誓不及五帝盟詛不及三王交質子不及二伯

齊人卒平宋衛于鄭秋會于溫盟于瓦屋以釋東門之

役禮也

八月葬蔡宣公

公羊曰卒何以名而葬不名卒從正而葬從主人卒何以日而葬不日卒赴而葬不

告
○八月丙戌鄭伯以齊人朝王禮也

○九月辛卯公及莒人盟于浮來

浮公穀並作包○穀梁曰可言公及人不可言公及

夫大
公及莒人盟于浮來以成紀好也

螟

○冬齊侯使來告成三國公使衆仲對曰君釋三國之圖

以鳩其民君之惠也寡君聞命矣敢不承受君之明德

冬十有二月無駭卒

駭穀梁作佗○公羊曰疾始滅故終其身不氏杜曰卒而後賜族故不書

氏

無駭卒羽父請諡與族公問族於衆仲衆仲對曰天子

建德因生以賜姓胙之土而命之氏諸侯以字爲諡因以爲族官有世功則有官族邑亦如之公命以字爲展

氏

附錄

竹書芮人乘京荀人董伯皆叛曲沃

九年

丁卯○蔡桓侯封人元年

春天王使南季來聘

三月癸酉大雨震電庚辰大雨雪

穀梁曰八日之間再有大變陰陽錯亂故謹而

日之也雨月志正也

九年春王三月癸酉大雨霖以震書始也庚辰大雨雪亦如之書時失也凡雨自三日以往爲霖平地尺爲大

雪

挾卒

挾公穀並作俠○公羊曰俠者何吾大夫之未命者也穀梁曰俠者所俠也弗大夫者隱不爲大夫也

夏城郎

夏城郎書不時也

秋七月

冬公會齊侯于防

防公羊作那

宋公不王鄭伯爲王左卿士以王命討之伐宋宋以入
郟之役怨公不告命公怒絕宋使秋鄭人以王命來告
伐宋冬公會齊侯于防謀伐宋也

○北戎侵鄭鄭伯禦之患戎師曰彼徒我車懼其侵軼我
也公子突曰使勇而無剛者嘗寇而速去之君爲三覆
以待之戎輕而不整貪而無親勝不相讓敗不相救先
者見獲必務進進而遇覆必速奔後者不救則無繼矣
乃可以逞從之戎人之前遇覆者奔祝聃逐之衷戎師
前後擊之盡殪戎師大奔十一月甲寅鄭人大敗戎師

附錄

秦本紀寧公徙居平陽遣兵伐蕩社

十年

戊辰

春王二月公會齊侯鄭伯于中丘

十年春王正月公會齊侯鄭伯于中丘癸丑盟于鄧爲

師期

釋例權經傳日月癸丑是正月二十六日知經二月誤

夏疊帥師會齊人鄭人伐宋

夏五月羽父先會齊侯鄭伯伐宋

六月壬戌公敗宋師于菅

穀梁曰內不言戰舉其大者也註云敗大於戰辛未取

郟辛巳取防

公羊曰取邑不日此何以日一月而再取之也其之也春秋錄內而略外於外大惡書小

惡不書於內六惡諱小惡書

六月戊申公會齊侯鄭伯于老桃壬戌公敗宋師于菅

庚午鄭師入郟辛未歸于我庚辰鄭師入防辛巳歸于

我君子謂鄭莊公於是乎可謂正矣以王命討不庭不

貪其土以勞王爵正之體也

秋宋人衛人入鄭宋人蔡人衛人伐戴

公穀並作載

鄭伯伐取

之

公羊曰其言伐取之何易也因宋人蔡人衛人之力也穀梁曰不正其困人之力而易取之故主其事也

秋七月庚寅鄭師入郊猶在郊宋人衛人入鄭蔡人從之伐戴八月壬戌鄭伯圍戴癸亥克之取三師焉宋衛既入鄭而以伐戴召蔡人蔡人怒故不和而敗

○九月戊寅鄭伯入宋

冬十月壬午齊人鄭人入郕

穀梁曰入者內弗受也日入惡入者也

蔡人衛人郕人不會王命冬齊人鄭人入郕討違王命也

附錄

秦本紀與亳戰亳王奔戎遂滅蕩社

十有一年己春滕侯薛侯來朝

看利上專卷一
十一年春滕侯薛侯來朝爭長薛侯曰我先封滕侯曰我周之卜正也薛庶姓也我不可以後之公使羽父請於薛侯曰君與滕君辱在寡人周諺有之曰山有木工則度之賓有禮主則擇之周之宗盟異姓爲後寡人若朝于薛不敢與諸任齒君若辱貶寡人則願以滕君爲請薛侯許之乃長滕侯

夏

公毅並有五月字

公會鄭伯于時來

時來公羊作祁黎

夏公會鄭伯于邾謀伐許也鄭伯將伐許五月甲辰授兵于大宮公孫閱與穎考叔爭車穎考叔挾輈以走子都即拔棘以逐之及大逵弗及子都怒

秋七月壬午公及齊侯鄭伯入許

秋七月公會齊侯鄭伯伐許庚辰傅于許穎考叔取鄭

伯之旗蝥弧以先登子都自下射之顛瑕叔盈又以蝥
弧登周麾而呼曰君登矣鄭師畢登壬午遂入許許莊
公奔衛齊侯以許讓公公曰君謂許不共故從君討之
許既伏其罪矣雖君有命寡人弗敢與聞乃與鄭人鄭
伯使許大夫百里奉許叔以居許東偏曰天禍許國鬼
神實不逞于許君而假手于我寡人寡人唯是一二父
兄不能供億其敢以許自爲功乎寡人有弟不能和協
而使餽其口於四方其況能久有許乎吾子其奉許叔
以撫柔此民也吾將使獲也佐吾子若寡人得沒于地
天其以禮悔禍于許無寧茲許公復奉其社稷唯我鄭
國之有請謁焉如舊昏媾其能降以相從也無滋他族
實徧處此以與我鄭國爭此土也吾子孫其覆亡之不

暇而況能禋祀許乎寡人之使吾子處此不唯許國之
爲亦聊以固吾圉也乃使公孫獲處許西偏曰凡而器
用財賄無實於許我死乃亟去之吾先君新邑於此王
室而既卑矣周之子孫曰失其序夫許大岳之胤也天
而既厭周德矣吾其能與許爭乎君子謂鄭莊公於是
乎有禮禮經國家定社稷厚民人利後嗣者也許無刑
而伐之服而舍之度德而處之量力而行之相時而動
無累後人可謂知禮矣鄭伯使卒出緘行出犬雞以詛
射穎考叔者君子謂鄭莊公失政刑矣政以治民刑以
正邪旣無德政又無威刑是以及邪邪而詛之將何益
矣

○王取鄆劉蕞邠之田于鄭而與鄭人蘇忿生之田溫原

絺樊隰郟攢茅向盟州陘墮懷君子是以知桓王之失
鄭也怒而行之德之則也禮之經也已弗能有而以與
人人之不至不亦宜乎○鄭息有違言息侯伐鄭鄭伯
與戰于竟息師大敗而還君子是以知息之將亡也不
度德不量力不親親不徵辭不察有罪犯五不韙而以
伐人其喪師也不亦宜乎○冬十月鄭伯以虢師伐宋
壬戌大敗宋師以報其入鄭也宋不告命故不書凡諸
侯有命告則書不然則否師出滅否亦如之雖及滅國
滅不告敗勝不告克不書於策

冬十有一月壬辰公薨

穀梁曰公薨何以不地故也隱之不討不書葬以罪下也隱十年無正

隱不自正也元年有正所以正隱也

羽父請殺桓公將以求大宰公曰爲其少故也吾將授

之矣使營菟裘吾將老焉羽父懼反譖公于桓公而請
弑之公之爲公子也與鄭人戰于狐壤止焉鄭人囚諸
尹氏賂尹氏而禱於其主鍾巫遂與尹氏歸而立其主
十一月公祭鍾巫齊于社圃館于寯氏壬辰羽父使賊
弑公于寯氏立桓公而討寯氏有死者不書葬不成喪
也公羊曰公子翬諂乎隱公謂隱公曰百姓安子諸侯
說子盍終爲君矣隱公曰否吾使脩塗裘吾將老焉
公子翬恐若其言聞乎桓於是謂桓曰吾爲子口隱矣
隱曰吾不反也桓曰然則奈何曰請作難弑隱公于鍾
巫之祭焉
弑隱公也

春秋經傳比事卷一終

春秋經傳比事卷二

閩 林春溥 鑑塘

桓公

名軌惠公之子隱公之弟母仲子史記名允諡法辟土服遠曰桓

元年

庚午

春王正月公即位

穀梁曰桓無王其日王何也謹始也繼故不言即位正也繼故

而言即位則是與聞乎弒也

三月公會鄭伯于垂鄭伯以璧假許田

穀梁曰假不言以言以非假也非假

而曰假請易地也禮天子在上諸侯不得以地相與也

元年春公即位脩好于鄭鄭人請復祀周公卒易祊田

公許之三月鄭伯以璧假許田爲周公祊故也

夏四月丁未公及鄭伯盟于越

夏四月丁未公及鄭伯盟于越結祊成也盟曰渝盟無

享國

秋大水

秋大水凡平原出水爲大水

冬十月

穀梁曰無事焉何以書不遺時也四時具而後爲年

○冬鄭伯拜盟○宋華父督見孔父之妻于路目逆而送之曰美而豔

二年

平

春王正月戊申宋督弑其君與夷及其大夫孔父

穀梁曰桓無王其曰王何也正與夷之卒也孔父先死其日及何也書尊及卑春秋之義也

二年春宋督攻孔氏殺孔父而取其妻公怒督懼遂弑殤公君子以督爲有無君之心而後動於惡故先書弑其君

滕子來朝

三月公會齊侯陳侯鄭伯于稷以成宋亂

公羊曰內大惡諱此其目言之

何遠也隱亦遠矣曷爲
爲隱諱隱賢而桓賤也

會于稷以成宋亂爲賂故立華氏也宋殤公立十年十
一戰民不堪命孔父嘉爲司馬督爲大宰故因民之不
堪命先宣言曰司馬則然已殺孔父而弑殤公召莊公
于鄭而立之以親鄭以郕大鼎賂公齊陳鄭皆有賂故
遂相宋公

夏四月取郕大鼎于宋戊申納于大廟

夏四月取郕大鼎于宋戊申納于大廟非禮也臧哀伯
諫曰君人者將昭德塞違以臨照百官猶懼或失之故
昭令德以示子孫是以清廟茅屋大路越席大羹不致
柔食不鑿昭其儉也衮冕黻珽帶裳幅舄衡紘紃縱昭
其度也藻率鞞鞶鴈游纓昭其數也火龍黼黻昭其

文也五色比象昭其物也錫鸞和鈴昭其聲也三辰旂
旗昭其明也夫德儉而有度登降有數文物以紀之聲
明以發之以臨照百官百官於是乎戒懼而不敢易紀
律今滅德立違而實其賂器於大廟以明示百官百官
象之其又何誅焉國家之敗由官邪也官之失德寵賂
章也郃鼎在廟章孰甚焉武王克商遷九鼎于雒邑義
士猶或非之而況將昭違亂之賂器於大廟其若之何
公不聽周內史聞之曰臧孫達其有後於魯乎君違不
忘諫之以德

秋七月杞侯來朝

杞公穀並作紀。穀梁曰朝時此其月何也。桓內弑其君外成人之亂於是爲

齊侯陳侯鄭伯討數日以昭己卽是事而朝之惡之故謹而月之也

秋七月杞侯來朝不敬杞侯歸乃謀伐之

蔡侯鄭伯會于鄧

蔡侯鄭伯會于鄧始懼楚也

九月入杞

九月入杞討不敬也

公及戎盟于唐

公及戎盟于唐脩舊好也

冬公至自唐

冬公至自唐告于廟也凡公行告于宗廟反行飲至舍

爵策勲焉禮也特相會往來稱地讓事也自參以上則

往稱地來稱會成事也

○初晉穆侯之夫人姜氏以條之役生大子命之曰仇其

弟以千畝之戰生命之曰成師師服曰異哉君之名子

也夫名以制義義以出禮禮以體政政以正民是以政成而民聽易則生亂嘉耦曰妃怨耦曰仇古之命也今君命大子曰仇弟曰成師始兆亂矣兄其替乎惠之二十四年晉始亂故封桓叔于曲沃靖侯之孫欒賓傅之師服曰吾聞國家之立也本大而末小是以能固故天子建國諸侯立家卿置側室大夫有貳宗士有隸子弟庶人工商各有分親皆有等衰是以民服事其上而下無覬覦今晉甸侯也而建國本旣弱矣其能久乎惠之三十年晉潘父弑昭侯而納桓叔不克晉人立孝侯惠之四十五年曲沃莊伯伐翼弑孝侯翼人立其弟鄂侯鄂侯生哀侯哀侯侵陘庭之田陘庭南鄙啟曲沃伐翼

二年

壬申○宋莊
公馮元許

○三年春曲沃武公伐翼次于陘庭韓萬御戎梁弘爲右
逐翼侯于汾隰驂絙而止夜獲之及樂其叔國語曰去
哀侯止樂其子曰苟無死吾以子見天子令子爲上卿
制晉國之政辭曰成聞之民生於三事之如一父生之
師教之君食之惟其所在則致死焉臣敢
以私利廢人之道君何以訓矣遂鬪而死

春正月公會齊侯于贏

會于贏成昏于齊也

夏齊侯衛侯胥命于蒲

公羊曰胥命者何相命也何言乎
相命近正也古者不盟結言而退

夏齊侯衛侯胥命于蒲不盟也

六月公會杞侯于郕

杞公羊
作紀

公會杞侯于郕杞求成也

秋七月壬辰

公羊作
壬申

朔日有食之既

公子翬如齊逆女

秋公子翬如齊逆女脩先君之好故曰公子

九月齊侯送姜氏于謹

公羊曰諸侯越竟送女非禮也入國何以不稱夫人自我言齊父母

之於子雖爲鄰國夫人猶曰吾姜氏穀梁曰禮送女父母不下堂母不出祭門諸母兄弟不出闕門父戒之日謹慎從爾舅之言母戒之日謹慎從爾姑之言諸母

般申之日謹慎從爾父母之言送女贈竟非禮也

齊侯送姜氏非禮也凡公女嫁于敵國姊妹則上卿送

之以禮於先君公子則下卿送之於大國雖公子亦上

卿送之於天子則諸卿皆行公不自送於小國則上大夫送之

公會齊侯于謹

穀梁曰無譏乎曰爲禮也齊侯來也公之逆而會之可也

夫人姜氏至自齊

穀梁曰其不言轡之以來何也公親受之於齊侯也

冬齊侯使其弟年來聘

冬齊仲年來聘致夫人也

有年

公羊曰以喜書也

○芮伯萬之母芮姜惡芮伯之多寵人也故逐之出居于

魏

四年

癸酉○晉小
子侯元年

春正月公狩于郎

公羊曰常事不書此何以書歲遠也

四年春正月公狩于郎書時禮也

夏天王使宰渠伯糾來聘

公羊曰下大夫也

夏周宰渠伯糾來聘父在故名

○秋秦師侵芮敗焉小之也○冬王師秦師圍魏執芮伯

以歸

五年

甲戌春正月甲戌己丑陳侯鮑卒

五年春正月甲戌己丑陳侯鮑卒再赴也於是陳亂文

公子佗殺大子免而代之公疾病而亂作國人分散故

再赴

夏齊侯鄭伯如紀

夏齊侯鄭伯朝于紀欲以襲之紀人知之

天王使仍叔之子來聘

仍叔梁作任○公羊曰譏父老子代從政也穀梁曰不正父在子代

什之辭也

仍叔之子弱也

傳在王伐鄭之後

葬陳桓公

城祝丘

秋蔡人衛人陳人從王伐鄭

公羊曰從王正也穀梁曰爲天王請伐鄭也鄭同姓之國

也在乎冀州於是

王奪鄭伯政鄭伯不朝秋王以諸侯伐鄭鄭伯禦之王

爲中軍虢公林父將右軍蔡人衛人屬焉周公黑肩將

左軍陳人屬焉鄭子元請爲左拒以當蔡人衛人爲右拒以當陳人曰陳亂民莫有鬪心若先犯之必奔王卒顧之必亂蔡衛不枝固將先奔旣而萃於王卒可以集事從之曼伯爲右拒祭仲足爲左拒原繁高渠彌以中軍奉公爲魚麗之陳先偏後伍伍承彌縫戰于縑葛命二拒曰旂動而鼓蔡衛陳皆奔王卒亂鄭師合以攻之王卒大敗祝聃射王中肩王亦能軍祝聃請從之公曰君子不欲多上人況敢陵天子乎苟自救也社稷無隕多矣夜鄭伯使祭足勞王且問左右

大雩

秋大雩書不時也凡祀啟蟄而郊龍見而雩始殺而嘗閉蟄而烝過則書

蝻

公羊作蝻下同○穀梁曰蝻蟲災也甚則月不甚則時

冬州公如曹

冬淳于公如曹度其國危遂不復

六年

乙亥○史表陳厲公他元年世家作佗

春正月寔來

六年春自曹來朝書曰寔來不復其國也

○楚武王侵隨使薳章求成焉軍於瑕以待之隨人使少

師董成鬬伯比言於楚子曰吾不得志於漢東也我則

使然我張吾三軍而被吾甲兵以武臨之彼則懼而協

以謀我故難間也漢東之國隨爲大隨張必棄小國小

國離楚之利也少師侈請羸師以張之熊率且比曰季

梁在何益鬬伯比曰以爲後圖少師得其君王毀軍而

納少師少師歸請追楚師隨侯將許之季梁止之曰天

方授楚楚之羸其誘我也君何急焉臣聞小之能敵大也小道大淫所謂道忠於民而信於神也上思利民忠也祝史止辭信也今民餒而君逞欲祝史矯舉以祭臣不知其可也公曰吾牲牷肥腍粢盛豐備何則不信對曰夫民神之主也是以聖王先成民而後致力於神故奉牲以告曰博碩肥腍謂民力之普存也謂其畜之碩大蕃滋也謂其不疾疫蠡也謂其備腍咸有也奉盛以告曰絜粢豐盛謂其三時不害而民和年豐也奉酒醴以告曰嘉栗旨酒謂其上下皆有嘉德而無違心也所謂馨香無譏慝也故務其三時脩其五教親其九族以致其禋祀於是乎民和而神降之福故動則有成今民各有心而鬼神之主君雖獨豐其何福之有君姑脩政

春秋左傳卷二十一
而親兄弟之國庶免於難隨侯懼而脩政楚不敢伐史記

日楚伐隨隨曰我無罪楚日請王室尊

吾號隨人爲之周請尊楚王室不聽

夏四月公會紀侯于成

成穀梁作邨

夏會于成紀來諮謀齊難也

○北戎伐齊齊侯使乞師于鄭鄭大子忽帥師救齊六月大敗戎師獲其二帥大良少良甲首三百以獻於齊於是諸侯之大夫戍齊齊人饋之餼使魯爲其班後鄭鄭忽以其有功也怒故有郎之師公之未昏於齊也齊侯欲以文姜妻鄭大子忽大子忽辭人問其故大子曰人各有耦齊大非吾耦也詩云自求多福在我而已大國何爲君子曰善自爲謀及其敗戎師也齊侯又請妻之固辭人問其故大子曰無事於齊吾猶不敢今以君命

奔齊之急而受室以歸是以師昏也民其謂我何遂辭

諸鄭伯

秋八月壬午大閱

穀梁曰平而脩戎事非正也其日以爲崇武故謹而日之蓋以觀婦人也

秋大閱簡車馬也

蔡人殺陳佗

公羊曰陳君則曷爲謂之陳佗絕也淫乎蔡人爭禽蔡人不知其是陳君也而殺之陳世家曰厲公取蔡女數如蔡淫七年太子免之弟躍林杵曰共令蔡人誘公以好女而殺之

而立躍是爲利公異

九月丁卯子同生

公羊曰喜有正也穀梁曰疑故志之時人曰同乎人也

九月丁卯子同生以大子生之禮舉之接以大牢卜士

負之士妻食之公與文姜宗婦命之公問名於申繻對

曰名有五有信有義有象有假有類以名生爲信以德

命爲義以類命爲象取於物爲假取於父爲類不以國

不以官不以山川不以隱疾不以畜牲不以器幣周人以諱事神名終將諱之故以國則廢名以官則廢職以山川則廢主以畜牲則廢祀以器幣則廢禮晉以僖侯廢司徒宋以武公廢司空先君獻武廢二山是以大物不可以命公曰是其生也與吾同物命之曰同

冬紀侯來朝

冬紀侯來朝請王命以求成于齊公告不能

七年

丙子○陳厲公躍元年

春二月己亥焚咸丘

公羊曰疾始以火攻也

夏穀伯綏來朝鄧侯吾離來朝

公羊曰皆何以名失地之君也其稱侯朝何貴者無

後待之以初也

七年春穀伯鄧侯來朝名賤之也

○夏盟向求成于鄭既而背之秋鄭人齊人衛人伐盟向

王遷盟向之民于邲○冬曲沃伯誘晉小子侯殺之

八年

丁丑○晉侯緡元年

春正月己卯烝

公羊曰常事不書此何以書譏亟也穀梁曰烝冬事

也春與之志不時也

天王使家父來聘

○八年春滅翼○隨少師有寵楚鬬伯比曰可矣讎有覺

不可失也

夏五月丁丑烝

公羊曰譏亟也穀梁曰烝冬事也春夏與之黷祀也志不敬也

○夏楚子合諸侯于沈鹿黃隨不會使蔣章讓黃楚子伐隨軍於漢淮之間季梁請下之弗許而後戰所以怒我而怠寇也少師謂隨侯曰必速戰不然將失楚師隨侯禦之望楚師季梁曰楚人上左君必左無與王遇且攻其右右無良焉必敗偏敗眾乃攜矣少師曰不當王非

敵也弗從戰于速杞隨師敗績隨侯逸鬪丹獲其戎車
與其戎右少師秋隨及楚平楚子將不許鬪伯比曰天
去其疾矣隨未可克也乃盟而還

楚世家是年熊通自立爲武王與隨人盟

而去始開濮地而有之

秋伐邾

冬十月雨雪

公羊曰記異也何異雨不時也

○冬王命虢仲立晉哀侯之弟緡于晉

祭公來遂逆王后于紀

公羊曰祭公者何天子之三公也何以不稱使婚禮不稱主人大夫

無遂事此其言遂何成使乎我也使我爲媒可則因用是往逆矣女在其國稱女此其稱王后何王者無外其辭成矣

祭公來遂逆王后于紀禮也

附錄

秦本紀伐蕩氏取之

九年

戊寅○杞靖公元年○秦出子元年

春紀季姜歸于京師

公羊曰稱紀季姜何自我

言紀父母之於子雖爲天王后猶曰吾季姜

九年春紀季姜歸于京師凡諸侯之女行唯王后書

夏四月

○巴子使韓服告于楚請與鄧爲好楚子使道朔將巴客以聘於鄧鄧南鄙鄭人攻而奪之幣殺道朔及巴行人楚子使蘧章讓於鄧鄧人弗受夏楚使鬬廉帥師及巴師圍鄧鄧養甥聘甥帥師救鄧三逐巴師不克鬬廉衡陳其師於巴師之中以戰而北鄧人逐之背巴師而夾攻之鄧師大敗鄧人宵潰

秋七月

○秋虢仲芮伯梁伯荀侯賈伯伐曲沃

冬曹伯使其世子射姑來朝

穀梁曰朝不言使言使非正也。使世子伉諸侯之禮而來。

朝曹伯

失正矣

冬曹天子來朝賓之以上卿禮也享曹天子初獻樂奏而歎施父曰曹天子其有憂乎非歎所也

十年

已卯

春王正月庚申曹伯終生卒

穀梁曰桓無王其日王正終生之卒也

十年春曹桓公卒

夏五月葬曹桓公

○虢仲譖其大夫詹父於王詹父有辭以王師伐虢夏虢

公出奔虞

秋公會衛侯于桃丘弗遇

公羊曰公不見要也穀梁曰志不相得也弗內辭也

○秋秦人納芮伯萬于芮○初虞叔有玉虞公求旃弗獻

既而悔之曰周諺有之匹夫無罪懷璧其罪吾焉用此

其以賈害也乃獻之又求其寶劔叔曰是無厭也無厭將及我遂伐虞公故虞公出奔其池

冬十有二月丙午齊侯衛侯鄭伯來戰于郎

公羊曰此偏戰也何以不

言帥敗績內不言戰戰乃敗矣

冬齊衛鄭來戰于郎我有辭也初北戎病齊諸侯救之鄭公子忽有功焉齊人饋諸侯使魯次之魯以周班後鄭鄭人怒請師於齊齊人以衛師助之故不稱侵伐先書齊衛王爵也

十有一年

庚辰○曹莊公射郊元年

春正月齊人衛人鄭人盟于惡曹

十一年春齊衛鄭宋盟于惡曹

○楚屈瑕將盟貳軫鄖人軍於蒲騷將與隨絞州蓼伐楚師莫敖患之鬬廉曰鄖人軍其郊必不誠且日虞四邑

之至也君次於郊郟以禦四邑我以銳師宵加於郟郟有虞心而恃其城莫有鬪志若敗郟師四邑必離莫敖曰盍請濟師於王對曰師克在和不在衆商周之不敵君之所聞也成軍以出又何濟焉莫敖曰卜之對曰卜以決疑不疑何卜遂敗郟師於蒲騷卒盟而還○鄭昭公之敗北我也齊人將妻之昭公辭祭仲曰必取之君多內寵子無大援將不立三公子皆君也弗從

夏五月癸未鄭伯寤生卒

夏鄭莊公卒初祭封人仲足有寵於莊公莊公使爲卿爲公娶鄧曼生昭公故祭仲立之

秋七月葬鄭莊公

九月宋人執鄭祭仲

穀梁曰宋公也突歸于鄭
其曰人貶之也
穀梁曰突
也日

歸易辭也祭仲易其事權在祭仲也死
君難臣道也今立惡而黜正惡祭仲也

宋雍氏女於鄭莊公曰雍姑生厲公雍氏宗有寵於宋

莊公故誘祭仲而執之

公羊曰莊公死已葬祭仲將往省于留塗出于宋宋人執之

曰不立突將死亦執厲公而求賂焉祭仲與宋人盟以厲公歸而立之

鄭忽出奔衛

穀梁曰鄭忽者世子忽也其名失國也

秋九月丁亥昭公奔衛己亥厲公立

柔會宋公陳侯蔡叔盟于折

公羊曰柔者何吾大夫之未命者也穀梁亦同

公會宋公子夫鍾

鍾公羊作童

冬十有二月公會宋公子闕

十有二年

辛巳○鄭厲公突元年

春正月

夏六月壬寅公會杞侯

公毅並作杞侯

莒子盟于曲池

十二年夏盟于曲池平杞莒也

秋七月丁亥公會宋公燕人盟于穀丘

八月壬辰陳侯躍卒

杜註壬辰七月二十三日書於八月從赴

公會宋公于虛

虛公羊作郊

冬十有一月公會宋公于龜

公欲平宋鄭秋公及宋公盟于句瀆之丘宋成未可知

也故又會于虛冬又會于龜

丙戌公會鄭伯盟于武父

宋公辭平故與鄭伯盟于武父

丙戌衛侯晉卒

穀梁曰再稱日決日義也計云明二事皆當日也

十有二月及鄭師伐宋丁未戰于宋

公羊曰戰不言伐此其言伐何也辟嫌也

嫌與鄭人戰也何以不言戰內不言戰言戰乃敗矣

遂帥師而伐宋戰焉宋無信也君子曰苟信不繼盟無益也詩云君子屢盟亂是用長無信也

○楚伐絞軍其南門莫敖屈瑕曰絞小而輕輕則寡謀請無扞采樵者以誘之從之絞人獲三十人明日絞人爭出驅楚役徒於山中楚人坐其北門而覆諸山下大敗之爲城下之盟而還伐絞之役楚師分涉於彭羅人欲伐之使伯嘉謀之三巡數之

十有三年

壬午○高惠公朔元年○陳莊公林元年

○十三年春楚屈瑕伐羅鬬伯比送之還謂其御曰莫敖必敗舉趾高心不固矣遂見楚子曰必濟師楚子辭焉入告夫人鄧曼鄧曼曰大夫其非衆之謂其謂君撫小民以信訓諸司以德而威莫敖以刑也莫敖狃於蒲騷

之役將自用也必小羅君若不鎮撫其不設備乎夫固謂君訓衆而好鎮撫之召諸司而勸之以令德見莫敖而告諸天之不假易也不然夫豈不知楚師之盡行也楚子使賴人追之不及莫敖使徇于師曰諫者有刑及鄢亂次以濟遂無次且不設備及羅羅與盧戎兩軍之大敗之莫敖縊于荒谷羣帥囚于冶父以聽刑楚子曰孤之罪也皆免之

春二月公會紀侯鄆伯己巳及齊侯宋公衛侯燕人戰齊師宋師衛師燕師敗績

穀梁曰其言及者猶內及之也其日戰者由外言之也戰稱人敗稱

師重衆也其不地於紀也

宋多責賂於鄭鄭不堪命故以紀魯及齊與宋衛燕戰不書所戰後也

三月葬衛宣公

夏大水

秋七月

冬十月

十有四年

癸未

春正月公會鄭伯于曹

鄭人來請脩好十四年春會于曹曹人致餼禮也

無冰

公羊曰記異也穀梁曰時煖也

夏五

穀梁曰時煖也傳疑也

鄭伯使其弟語

穀梁作樂

來盟

穀梁曰其弟云者以其來我舉其貴

者也來盟前定也前定之盟不日

夏鄭子人來尋盟且脩曹之會

秋八月壬申御廩災

公羊曰記災也

乙亥嘗

公羊曰常事不書此何以書譏嘗也日猶

嘗乎御廩災不如勿嘗而已矣穀梁曰志不敬也

春秋上卷之二
四
秋八月壬申御廩災乙亥嘗書不害也

冬十有二月丁巳齊侯祿父卒

宋人以齊人蔡人衛人陳人伐鄭

穀梁曰以者不以者也民者君之本也使人以

其死非

正也

冬宋人以諸侯伐鄭報宋之戰也焚渠門入及大逵伐

東郊取生首以大宮之椽歸爲盧門之椽

附錄

史記年表秦三父殺出子立其兄武公

十有五年

甲申○齊襄公諸兒元年○秦武公元年

春二月天王使家父來求

車

十五年春天王使家父來求車非禮也諸侯不貢車服

天子不私求財

三月乙未天王崩

夏四月己巳葬齊僖公

五月鄭伯突出奔蔡

公羊曰突何
以名奪正也

祭仲專鄭伯患之使其壻雍糾殺之將享諸郊雍姬知之謂其母曰父與夫孰親其母曰人盡夫也父一而已胡可比也遂告祭仲曰雍氏舍其室而將享子於郊吾惑之以告祭仲殺雍糾尸諸周氏之汪公載以出曰謀及婦人宜其死也夏厲公出奔蔡

鄭世子忽復歸于鄭

公羊曰其稱世子何復正也曷爲或
言歸或言復歸復歸者出惡歸無惡

復入者出無惡入有惡入
者出入惡歸者出入無惡

六月乙亥昭公入

許叔入于許

穀梁曰許叔許之貴者也莫宜乎許叔
其曰入何也其歸之道非所以歸也

許叔入于許

公會齊侯于艾

艾公羊作郛
穀梁作蒿

公會齊侯于艾謀定許也

邾人牟人葛人來朝

公羊曰皆何以
稱人夷狄之也

秋九月鄭伯突入于櫟

秋鄭伯因櫟人殺檀伯而遂居櫟

冬十有一月公會

公羊有
齊侯

宋公衛侯陳侯于袤

公羊
作侈

伐鄭

穀梁曰地而後伐
疑弱也非其疑也

冬會于袤謀伐鄭將納厲公也弗克而還

附錄

秦本紀武公元年伐
彭戲氏至華山下

十有六年

乙酉○周莊王佗元
年○鄭昭公忽元年

春正月公會宋公蔡侯衛

侯于曹

十六年春正月會于曹謀伐鄭也

夏四月公會宋公衛侯陳侯蔡侯伐鄭秋七月公至自伐

鄭

穀梁曰桓無會其致何也危之也一

夏伐鄭秋七月公至自伐鄭以飲至之禮也

冬城向

冬城向書時也

十有一月衛侯朔出奔齊

穀梁曰朔之名惡也天子召而不往也

初衛宣公蒸於夷姜生急子屬諸右公子爲之娶於齊而美公取之生壽及朔屬壽於左公子夷姜縊宣姜與公子朔構急子公使諸齊使盜待諸莘將殺之壽子告之使行不可曰棄父之命惡用子矣有無父之國則可也及行飲以酒壽子載其旌以先盜殺之急子至曰我之求也此何罪請殺我乎又殺之二公子故怨惠公十

一月左公子洩右公子職立公子黔牟惠公奔齊

附錄

文十一年傳齊襄公之二年鄭驪伐齊齊王子成父獲其弟榮如埋其首於周首之北門

十有七年

丙戌○衛黔牟元年

春正月丙辰公會齊侯紀侯盟于黃

十七年春盟于黃平齊紀且謀衛故也

二月丙午公會邾儀父盟于越

及邾儀父盟于越尋蔑之盟也

夏五月丙午及齊師戰于奚

奚穀梁作郎○傳曰丙諱敗舉其可道者也不言其人以

吾敗也不言及之者爲丙諱也

夏及齊師戰于奚疆事也於是齊人侵魯疆疆吏來告

公曰疆場之事慎守其一而備其不虞姑盡所備焉事

至而戰又何謁焉

六月丁丑蔡侯封人卒秋八月蔡季自陳歸于蔡

穀梁曰蔡季蔡

之貴者也自陳
仲有奉焉爾

蔡桓侯卒蔡人召蔡季于陳秋蔡季自陳歸于蔡蔡人

嘉之也

癸巳葬蔡桓侯

及宋人衛人伐邾

伐邾宋志也

冬十月朔日有食之

冬十月朔日有食之不書日官失之也天子有日官諸
侯有日御日官居卿以底日禮也日御不失日以授百
官于朝

○初鄭伯將以高渠彌爲卿昭公惡之固諫不聽昭公立
懼其殺已也辛卯弒昭公而立公子亶君子謂昭公知

所惡矣公子達曰高伯其爲戮乎復惡已甚矣

附錄

秦本紀誅三父等夷三族以其殺出子也

十有八年

丁亥○蔡哀侯獻舞元年○鄭子豐元年

春王正月公會齊侯于濼

公與夫人姜氏遂如齊

公羊無與字○傳曰公何以不言及夫人夫人外也其實夫人外公

也殺梁曰不言及夫人何也以夫人之仇弗稱數也

十八年春公將有行遂與姜氏如齊申繻曰女有家男

有室無相瀆也謂之有禮易此必敗公會齊侯于濼遂

及文姜如齊齊侯通焉公諱之以告

夏四月丙子公薨于齊丁酉公之喪至自齊

穀梁曰其地於外也

夏四月丙子享公使公子彭生乘公公薨于車

公羊曰夫人謂

公於齊侯公曰同非吾子齊侯之子也齊侯怒與之飲酒於其出焉使公子彭生送之於其乘焉掄幹而殺之

魯人告于齊曰寡君畏君之威不敢寧居來脩舊好禮

成而不反無所歸咎惡於諸侯請以彭生除之齊人殺彭生

秋七月

○秋齊侯師于首止子廩會之高渠彌相七月戊戌齊人殺子廩而轅高渠彌祭仲逆鄭子于陳而立之是行也祭仲知之故稱疾不往人曰祭仲以知免仲曰信也○周公欲弑莊王而立王子克辛伯告王遂與王殺周公黑肩王子克奔燕初子儀有寵於桓王桓王屬諸周公辛伯諫曰並后匹嫡兩政耦國亂之本也周公弗從故及

冬十有二月己丑葬我君桓公

公羊曰賊未討何以書葬
雖在外也雖在外則何以

書葬君子辭也穀梁曰
不責踰國而討于是也

春秋經傳比事卷一終